

رابطة الزجاليين
وكتاب الأغاني
فرع الأسمايلية

الرائد

إبداعات متألّفة

كتاب غير دوري (العدد — الأول)

شعر * قصة * دراسات أدبية * مقالات

الرائد (١)

الرائد كتاب غير دوري
رابطة الزجاليين وكتاب الأغاني فرع الإسماعيلية
مجموعة شعراء الرابطة
دار الإسلام للطباعة والنشر - المنصورة
٢٥ × ١٧.٥

رقم الإيداع بدار الكتب

٢٠٠٦ / ١٩٣٦٣

ترقيم دولي 3-225-374-977

رئيس مجلس الإدارة
الأستاذ/محمد أحمد إسماعيل
الشهريه محمد(الرائد)
رئيس التحرير
الأستاذ/ سناء الحمد بدوى

هيئة التحرير
عبد الله محمد الهادي
عادل محمد عامر

الإعداد للنشر
عبد الرحمن عادل عامر

الإعداد الفنى والإخراج
عبد محمد الهادي

المراسلات
٠٦٤٣٩١٢٢٧٩
٠٦٤٣٣٣٣٨٧٦
٠١٢٨٨٧٣٦٠٧

المراد (٤) _____

الرائد .. حلمًا يتحقق

محمد احمد إسماعيل
الشهرة (محمد الرائد)
رئيس رابطة الزجالين
وكتاب الأغاني

هذا كتابنا كان حلمًا قديمًا وظل يتجدد منذ توليت
مسئولية رئاسة رابطة الزجالين وكتاب الأغاني
بالإسماعيلية أن أقوم بإصدار كتاب أدبي أو مجله أبداعيه
يكون لها طابع خاص وشكلا مميزا يجعلها متفرده عن
باقي الأصدارات وأن تقوم بنشر ابداعات اعضاء الرابطة
بمحافظة الاسماعيلية والمحافظات الأخرى لتساهم بذلك في
اثراء حركة الأبداع وتفعيل دور المبدعين من خلال نشر
ابداعاتهم في ظل عدم وجود قنوات يستطيع المبدعون من
خلالها أن يواكبوا ركب الثقافة ولقد أن الأوان أن يتحقق
الحلم .. وذلك بتكثيف دور المبدعين القادرين على البذل
والعطاء وقد اجمع كل الاعضاء على تسمية الأصدار الجديد
بأسم (الرائد) ليكون الأسم جديرا بالأبداع ومتفردا في
الامتاع وأننى لأتقدم بخالص الشكر والتقدير لكل الزملاء

على تشريفم لى بان يكون الاصدار بأسمى (الرائد) ولذلك
فأننى اتمنى ان يتكاتف الجميع لكى يحقق
الاصدار اهدافه.. ولذلك فأننى ادعو كل المعنيين بالثقافة
والممارسين للابداع ان يضعوا يد يهم فى أيدىنا لكى تسير
بنا مركب الابداع, وهما نحن نضع اقدامنا على اول الطريق
,ومما لا شك فيه انه من سار على الدرب وصل ..وكما قال
الحكماء..ان طريق الألف ميل يبدأ بخطوه ...فعلى بركة
الله سيري يا سفينة (الرائد) وابعري فى انهار الأبداع..بركابك
المبدعين وبأذن الله سوف يكون النجاح حليفك

والله ولى التوفيق

ميلاد (الرائد)

مقدمه..للصحفي والشاعر
الأستاذ / سناء الحمد بدوى

وافرحته بميلاد (الرائد) منبرا ابداعيا جديدا تملأ روحى
السعادة والبهجه كلما علمت بميلاد منبر ابداعى جديد..
يخرج الى نور الحياه ومعه ابداعات المبدعين تتنفس الحياه فى
كل مكان وهذا هو ما شعرت به عندما انبأنى الصديق
المبدع العزيز محمد (الرائد) نبأ بداية مخاض ينبئ بميلاد
كتاب او مجله تصدر عن رابطه يترأسها ولقد كنت اعلم ان
هذا المشروع الزجالين وكتاب الأغاني بالأسماعيليه والتي
حلما قديما (للرائد) وكان يتجدد بين الحين والحين الى ان أن
الأوان ليخرج وليدا حيا يملأ الدنيا اشعاعا ابداعيا وتواصلأ مع
كل المبدعين سواء فى الأسماعيليه والمحافظات الأخرى بما
فيها القاهره قلب النبض للزجالين والشعراء فى
مصر، ويذكرنى (الرائد) بجهود متواضعه بذلتها لأصدار منابر
صحفيه ابداعيه من ابرزها مجله (سنابل) التى شرفت بتولى
رئاستها عندما كنت رئيسا لنادى أدباء الأسماعيليه فى
الثمانينات.. ثم مجله (مرايا) التى ترأس محمود المنير مجلس
ادارتها وكنت رئيس تحريرها.. وصدرت عن نادى الأدب
المركزى الذى تشرفت برئاسة مجلس ادارته حتى سنوات قليله

ولقد اسعدنى ان (الرائد) هذا الوليد النبض سيكون ثمرة جهود جماعيه للمبدعين من اعضاء الرابطه والذين نجح محمد الرائد فى اقتناعهم بحلمه القديم المتجدد وكان موقفهم رائعا اذ اختاروا للوليد الأبداعى الجديد عنوان ((الرائد)) لأعتبارات عديده... ولها انه العمل الرائد للرابطه وثا فيها تكريما لصاحب الحلم المتحقق وأننى لا يسعنى ألا ان اهنى الصديق العزيز (الرائد) ورفاقه المبدعين من اعضاء الرابطه الأوفياء.. وأتمنى ان يولد الوليد ناضجا يتطور يوما بعد يوم وأن يحتضن ابداعات المبدعين من رجالين وشعراء وقاصين من داخل وخارج الرابطه , ولا ننسى واحه الأبداع التى تحتضن ابداعات كافة المبدعين فى محافظات الأقليم ويعدها محمد الرائد بحماس شديد واهتمام بالغ فعلى بركة الله سرىا (رائد) أنت ورفاقك الأوفياء....

والله الموفق

ليه مازحلمش

بقلم

الأذاعى اللامع / جمال مسعود

سعدت كثيرا بهذا الأصدار الجديد والذي نتمناه (رائدا).. وسعدتى تكمن ليس فى الأصدار الجديد (الرائد) وإنما فى الهدف الذى من اجله ظهر وولد هذا الأصدار.. حيث تصدره رابطة زجالى الأسماعيلية أذا فهو يخرج من رحم الأبداع معبرا عن مبدعى الأسماعيلية الذين كثيرا ما طالبو ويطالبون دائما بنافذه اعلا ميه تعبر عن ابداعاتهم شعرا ونثرا... وبحسب الأسم يكون الهدف.. أى وكما قلت نتمناه رائدا فى كل شئ.. ونتمناها ان تختار افضل العناصر وافضل الأبداعات شكلاً ومضمونا.. وأن تكشف لنا عن مواهب شابه.. صاحبة ابداع يليق بتاريط هذا الأقليم.. فأقليم القناة زاخرا بالمبدعين والموهوبين وارجو ألا يكون الأصدار رغم صدوره من الأسماعيلية قاصرا على مبدعى الأسماعيلية فقط.. بل لابد ان يمتد هذا الأصدار الجديد الى مبدعى السويس.. وبورسعيد حتى يتحقق التواصل والتوحد بين مبدعى الأقليم... الذى يربطهم شريان واحد شاهد على عظمتة تاريط هذا الأقليم... اذن فمن الأحلام تاتى الأفكار ومن الأفكار نعيش الواقع مع هذا الأصدار حيث احس بتفاؤل وسعادة مبدعى منطقة القناة اذ يطل عليهم اصدار أدبى يناقش قضاياهم ويعكس ابداعاتهم ويحقق التوحد بين

المبدعين من ابناء القناه وهم كثيرون فى قلب وعقل القارئ
فسعادة المبدع ان يجد صدى لدى القارئ لما يكتب.. فالمبدع
الحق لا يبغي من وراء ابداعه المال بل يبغي لأبداعه ولذاته
الخلود .. وأتمنى ((للرائد)) الرياده فى مهمته
الصعبه. وأخيرا.. اقول ان العظماء لا يموتون وستظل اكثر من
خمسون روايه للأديب العالمى الراحل نجيب محفوظ شاهده
على ابداعات هذا المبدع الخلاق, فنجيب محفوظ.. لم يمت فهو
باق بيننا بأعماله.. وأفكاره.. فالعظماء لا يموتون .

والله الموفق ،

إهداء

بقلم/الدكتور..محمد العدوى

بدايه اهني كل المهتمين بالأدب والفن والثقافه بصفه عامه
على هذا الأصدار الجديدالذى أتمنى أن يكون واحتمضم
كل من له رؤيه فى كافة مجالات الفنون والأداب ..ويمنح
الفرصه لكل موهبه جديده لكى تشق طريقها, أيضا ان
يكون منبرا حرا لكل نقد ادبى او فنى ليصبح اضافه
حقيقه ونافذه يطل منها كل المحبين للثقافه ويساهم فى
رفع مستوى الوعي والتذوق الفنى والأدبى لجميع الافراد
بجميع اعمارهم او طبقاتهم مع خالص شكرى
وتقديرى لكل من بذل الجهد لصدور هذه الأطلاله الواعده
التى سوف يكون لها دور مهم فى اثراء الحركه الأبداعيه
والثقافه العربيه..... بأذن الله
والله الموفق.....

إهداء

بقلم/محمد أبو يوسف العسيري

وفى اللقاء الكلام ..

إليك يا صاحب الإرادة والقرار فى إجراء هذا اللقاء الذى يقع على مساحة صغيرة بصفحة كتاب الرائد الوليد فى عدده الأول نتمنى مشاهدته وقراءته لنتعرف عليه .

زين .. زين .. زين وماذا بعد ..

لعل وعسى يحدث بيننا التواصل من خلال نقاط توصلنا إلى مسار واحد يهدف للتغيير لما هو أفضل إليك يا من تسعى للتغير .. أهلا بك .. وبصفتك قارئ أريد أن أقرئك أنا أيضا حتى أستزيد منكم معرفة وتوجيها محاولا الفوز بالتجاوب الإيجابي فى لقائتنا التى أتمنى لها الاستمرار إن شاء الله .
أهلا بك وإلى لقاء قادم وفى اللقاء الكلام .

بياع الحنه

شعر / محمد الرائد
رئيس رابطة الزجالينوكتابالأغنى

لما جيت ابيع الحنه
كترت حوالى الأحران
كان نفسى افرح واتهنأ
شوفت الدنيا ماليتها امان
.....لما جيت ابيع الحنه
ليه ماليش بخت فى هواى
واللى حبيتهم سنين
ليه فى ثانيه مش معأ
مجرمونى م الحنين
.....حبهم ماكانش.. لى
.....هماحبوالى ف ايديه
واما قلبى صبح ضحيه
يسألونى ...انت مين!!

.....لما جيت ابيع الحنه
ليه يا دنيا القرش فيكى
أغلا مال الناس والمشاعر
واللى يغدر ويخافيكى
بالكلام الكذب شاطر
اشترىهم ويبيعونى
اسعدهم...يخرجونى
والأطبه..يلومونى
انت ليه ع القسوه صابر
لما..جيت ابيع.....الحنه

كان نفسى

شعر / محمد الرائد

كان نفسى وكان ... كل منايّ
دايما على طول ... تبقى معايّ
يا شاغلنى من وقت ... لقاك
باشتاق لك وانا حتى ... معاك
وبقالى سنين ... باستناك
يا قمر و منور فى ... سمايّ
..... كان نفسى
مش عارف ليه انا باتصور
لو كنت قابلتك .. من بدرى
كان كل حياتنا ... هتتغير
واوهب لك ايامى وعمرى
نفرح .. ونغنى على هوانا
وتكون البسمه اللف قدرى
..... كان نفسى
كان نفسى اشيلك ف عنيه

ولا حدش فى الدنيا يلومنى
اعمل ايه وماهوش بأديه
تظلمك الدنيا... وتظلمنى
دا نصيبنا وهنعمل ...أيه
وسامجنى كان غصين عنى
.....كان نفسى.....

التغلب. فات

شعر / عمرو حسن

فات فات وف د يله سبع لفات
حكايات... وكلام ياما سمعناه
عن تغلب مات
واحناما بينا مليون واحد...
تغلب عايز لحظه خوف
وما ياخذ نا في غفلة بنجري
نبدر خوفنا سنين وظروف...
واللى حاميها يكون حراميها
واللى بايعها اسمه شاريها
والى ساكنها... مهما يشرق ولا يغرب
طالع نازل خايف فيها.
واللى بانيها يبقى هادمها
واللى هادمها يبقى بانيها...
واللى بي فهم فينا بيسكت
لما حمار بيقوم بيفتيها
واللى بيحلم فينا بغنوه

مافيش فصال

شعر / شعبان التونى

مش قصيد مافيش فصال
شمس الجهاد ريت نبات
مش مهزله واحنا فيها
لا تصيب ضلال ولا تبقى تار
ولا شوك يجرح وردنا
لكننا سبنا التعالب وبرت
دى طيبه زادت عندنا
شبكة زئاب تيجى ارضنا
وسجون عراقنا اللي اتملت
شمس الحقيقه اللي انطفت
علشان نراضى الغندره
اللابسه توب .. العاهره
بأدينا نقبض ع الغزاه
بأدينا نبني المجد ذات
دا الشهيد عايش فى جنه
وف حياتنا حى بينا

الد معه فينا كلنا
من غير دموع
عمر الفرح ما يلما
مهما فارقنا بعضنا
سنة حبيبنا ف قلبنا
والأقصى وجميع المدن
راجعين لنا...
فجر الحقيقه والنهار
شجرة ميلاد اللحمه
قبال جبال الغدر تار
هيداوى حبات رملنا
ازاى نفرق شملنا
والخيبه تكبر وسطنا
تنصب وتاكل لحمنا
بالقاصرات المسلمه
والنخوه هربت منا
بشرق اوسط مريض
نقبل نهادى بعرضنا
بأدينا نزرع اهرامات
فوق السحاب
وندارى دموعنا فى عيننا

أرواح قانا تمللى معانا
دمعة لبنان مش وحدها
لكننا اكبر من دمعة بحرنا
اولاد عمومه كلنا
ولا ليل هي قطع وصلنا
والدير جنب المأذنه
ودا وعد الحق يا قد سنا
ووعد الحق ما يضلنا
والبشره هلت م السما
والأنفاضه متحزمه باللحمه
والمحمه مش مهزله
واحننا.....لها

الاَّ برجوعك

شعر / هيثم كمال
رئيس تلفزيون القناه (٤)

اشوف...
وأخر يوم الشمس
كان يومها
ومن يومها
وانا باستنى تطلع شمس
وشمسي..
مش هتطلع الا برجوعك
.....ونهر النيل
برغم المطره والففيضان
صبح عطشان
وما يرويه سوى طله
عليه من جوه ننى العين
عينكى انتِ وانتِ بعيد
هناك ع البحر برمش العين

تشيلى الملح م الميه
خليها.خليها غسل أبيض
يداوى لوعة المشتاق
وانا مشتاق
وشوقى خللى نهر النيل
يسيب مجراه
ويجى لحد رجليكى
يفيض بالشوق على ايديكى
خليكى تسبى البحر وتعودى
ويرجع نهر نيل عمرى الى مجراه
وترجع ميته الحلوه
تزهى ارضى وتخضر
وتطلع شمسى وتنور
وشمسى عمرهاش تطلع
فى عمرى الا برجوعك

على شط قنالك

شعر / أم كلثوم إبراهيم
نائب رئيس الرابطة

على شط قنالك يا بلدنا.
حطمنا المدفع والدانه
وهلالك نورع المآد نه
يوم ٦ اكتوبر فرحانه
وعبرنا جيشك كبرنا
يا بلدنا يا غاليه علينا
وعشانك يا بلدنا صبرنا
عالصعب يا أمى عدينا
على شط قنالك يا بلدنا
يوم عيد النصر وبنا
والفكره بتيجى مع الذكرى
ع المآدنه أدان الله اكبر
والصوره لنهضتنا الكبرى
خيراتك يا عظيمه بتكثر
بايدينا اولادك وحبايك

ودا مهما الحاسد يستكثر
محروسه تمللى من ربك
على شط قنالك يابلدنا
وف عزصيامنا وصالينا
على صوت المدفع سحرنا
على سينا بقوه عد ينا
مع طلعة بدر بيسحرنا
وشهيدك غالى وبيضحى
بالروح والدنيا علشانك
من جرحى باغزلك فرجى
والنصر يا مصردا عنوانك
على شط قنالك بنغنى
غنيوة نصرك وتاريخك
من قلبى انا جيه اهنى
وحبى شبابك وشيوخك
وبفكر الماضى وجراحه
بالدم كتبنا.. انتصاراتك
وادي نصرك ذات افراحه
وف عيدك نرفع فى راياتك

شوفوا الهلال

شعر / ام كلثوم ابراهيم

هلت ليالي القمر و السعد فيهازاد
والنور جمعنا هنا ما بين شموع تنقاد
رمضان وجانا السنه بالفرحه ويا الخير
وله سلام مننا..... والفرح ده او عاد
وشوفوا الهلال في السماء
وادي النجوم حواليه نور المداين ظهر
رمضان يا عيني عليه
وفانوسنا نوره فرش والضي نمشي عليه
والديك بيد ن فرح والفجر مد اديه
والمسحراتي نده قوم ياكرم اتسحر
والطيله قالت لنا لكل قوم اتشمر
وام ابراهيم يا ولد بتجهز الطيله
والخير كتر عندنا من فضل ربي بيكثر

والسبحه بعد الصلاه ... الكل يسبح
نقري ايات ربنا و..قلوبنا بتصحيح
ويستجاب الدعاء ... في ليله معروفه
مبروكه طول عمرها والبدر بيصبح
ويمر شهر الهنا بالفرحه وبالحير
نلبس جديد كلنا والعيد يحينا امير
لابس هدوم عزنا وسط الزهور والطير
يارب عيد السنه واحنا بعافيه كمان

موال

عبد الله الهادي
عضو اتحاد كتاب
عضو جمعية الأدباء

(١)

قالولي اهل الهوي باب الغرام مفتوح
والحب فيه الهنا كاس يتملي من كاس
ويخس بيه قلينا وخن ليه الروح
لوكان في يوم ودنا مبني علي الاخلاص
واوعي تعيش خوان لحسن تشوف الهوان
ويدور عليك الزمان وتعيش سنين مجروح

(٢)

ياورد ياللى الشجر بيغار عليك منك
هلت روايخك خدتني وطيفها خلاني
قربت منك ابوس الخد واشمك
شوكتك جرحني وسال الدم مني اني
احمر بلونك ويشبهه في الجمال دمك
هفهم علي العبير وبرقه واساني
وقال لي يالي عشان الورد سال دمك
الشوك ما يعرف حبيب ولا حتي بستانني

(٣)

ياعم سيب العكر واشرب من اللي راق
واوزن كلامك وخلي قعدتك حلوه
واردم علي الشر واوعي تفتح الاوراق
وصفي قلبك وخلي نيتك حلوه
زينة الرجال الأدب خلي الأ دب طبعك
دالحلم سيد وحلمك هوه تاج طبعك
وعشان تعيش محترم خلي الكرم طبعك
ادهس علي النفس طول العمر واحكمها
خلي التواضع لجام ف ايديك يحكمها
وان مره مالت لسكه شر حاكمها
ما انت حكيمها وسمك عندها تريق

ياحلو قول لي بعادك ليه وعنادك
 تخلف ميعادك وترمي الحب بعنادك
 ايه اللي فادك جرحت القلب بعنادك

حيرت بالي صبح حالي يا عيني عليه
 الناس تشوفني تقول عاشق يا عيني عليه
 ياحلو قول لي علي طبعك وانا امشي عليه

بطل آسياه ودق الباب وتنعالي
 واسال علي كفايه بعاد وتنعالي
 ولو هتفضل كده ... تهجر وتنعالي
 ح ابيع غرامك وهانسى الحب . وعنادك

بلاش م السفر

أغنية / عبد الله الهادي

يا حبيبي قولى ايه جد ف حياتنا
قولى ايه خلاك تفكر ف السفر والبعد عنى
دا الهوا بينك وبينى والحنان بتشوفه عينى
والغرام من جوه قلبك سامعه صوته بينادينى
م افتكرش فى يوم خاصمتك او لاوعتك او عانيتك
م افتكرش فى يوم زعلنا تبقى ليه عايز تفوتنى....
.....يا حبيبي.....

هتسافر بس ليه.....محتاج م الغربه ايه
فيه ايه ناقصك يا غالىرايح تسألعليه
هتغيب واذاى ..هتقدرتسهر من غيرى ليله
وانت ماكنتش بتقدرتبعد اوقات قليله
وبتعمل..ألف حيلهوحكايه ومية وسيله
علشان لا تفوتنى ابدًاولا تبعد...عن عينيه
يا حبيبي البعد قاسىوانت مش قد المأسى
والعزاب هيكى قلبك ...والألم هالقاء فى كاسى

والفراق مش هتاخذم الفراق غير الضنا
غير دموعتطفى من أيدك شموع ليل...الهنا
ابدا دى مش عوايدكوأكيد فيه حد عايزك
ماجيش تسأل علىّولا حتى...تودنى
وتسيب أهلك وعزكوحبيب دايم يعزك
وتعيش ديم ناسينىوعزولنا...يزلنى
خليك وبلاش تسيبنىللىالى الشوق جيبنى
والشك وراك ياخذنىوتوهنى...الظنون
وان بعدك عنى طالانا مش قد احتمال
حيره...ولا انشغالولا دمعه..ف العيون
ليه تمشى...وليه خاطر..... وتدور ع السفر
وانت الدنيا وم فيهاوانت حب السنين
أعمل للحب خاطر.....والقلب...الى صبر
وبلاش م السفر.....يا...حبيبى

الغرق دم الغلابه

شعر / على منوفى عبد الحميد

زمان لما كان الخير كثير
والبشر بقلوب حرير
كنت تلقى قلوب هنيه
تبتسم لجل الفقير
لقمه واحده تكفى ميه
بالقناعهوالضمير
الفواكهمستويه
مش مبيد هرمون حقير
كان سمادنا ترشه ميه
يطلع المحصول عفير
الايدى كانت سخي
طرحها ...يكفى الكثير
والقلوب المشتويه
تزرع القمح وشعير
شجره الصفصاف تنادى
ع الغلابه ف الهجير

تلقى قلبه فوق حصيره
تروى عقل المستنير
العرق دم الغلابه
خافو من نار السعير
فى السما مليون سحابه
راح تضلل ع الأجير
النهار ده خيرنا اكثر
والجبان هوه اللى ينكر
توشكى طارحه شهد سكر
يوصل الأحباب مكرر
هرمونات للمصرى اصله
معدته تهضم وتمكر
ملح ياكل مش ياكل
ميه ساقعه كمان بيسكر
والحبايب..مش قرايب
لازم المخصوص نصدر
هما اولى بالمقاوله
يدفعولنا.دولار معطر
كنت عارف انى شايف
بس مخروس او بافكر
مصر هى نور عينيه

صدقوني ليلها يبهر
بكره يمكن يبقى احلى
والماذن صوتها يعلى
والكنائس نورها يجل
بالوطن احساسنا اغلى
بكره راح تلقى الشوارع تترصف
ترجع للمظلوم حقوقه ويتنصف
حتى قلم الظلم ممكن يتقصف
صدقوني...خير بلدنا مش لنا
فيه غراب اسود معشش عندنا
يزعق الصبحيه يهرب.....عمرنا
لجل كل المحرومين
قومو اصليو نع الصواري للضواري
....أربطوني...أسرقو احساسى
حتى منجفوني
مش شجيع لا كن يا أهلى شجعوني
واسمعو...اخر كلامى
اسمعو راجل...عصامى
قلت ل امى انسى همى
لجل ماجينى ف منامى
أقتلى احساسى بيكى أو سلامى....

ورجعتنى تانى

شعر / على منوفى عبد الحميد

ورجعتنى تانى تملئ قلبى خوف
طب صدقى.. ان غيابه ظروف
البعد زاد حرمانى والامى
وانتى فى عز الضلمه لى.. الشوف
سلمت لك روحى
باستننى مره تبوحى
وتقولى مين فى الحياه
هيداوى لى جروحى
يا غصن البان بقالى... زمان
اشمك عطر بتفوحى
وللاوطنان امل وامان
ادارى فيكى بطموحى
انا عاشقك ومعشوقك
ليلانى.. ادارى فى شوقك
وياغزل طرحتك انسان
وتطرح ارضك الحرمان

عشان لساكى ضمانى
يوماتى ألقاكى ف الأركان
فاضيه رفوفى فى الدكان
أروح من تانى واتسحب
عشان الكل يستغرب
أمد أيديه واتسلف
واكذب ليه وليه أحلف
بأنى اخدت بالفايظ
عشان ارضيكى واقضيكى
أخاف ليقولوا مين عايز
يعمر قبل ما يتلف
ما بين اللحظة والثانية
أكون شهيد للتجار
ما بين الضغط والسكر
أنا اللى اختار
أوزعهم ع العالم فى كل نهار
أنا اللى بعث اخلاصى
برمز جميل ف كراسى
وأنا اللى عقلى فى راسى
يقتل فى ما فى
ما أنا زنهار وما قدرش أجامل

حتى بالألفاظ وأبواب متغاط
واهرب تاني بسكاتي
واهرب حتى من زاتي
خافي حبسه الا سوار
واحساسك بيوصل حد سابع جار
ولسه حلمي جواكي مالوهش حدود
بيطرح حب ف حشاكي لآخر عود
نعمر بالالم بيتنا
وتهرب منا سكتنا
ولما خس بالنشوي
نلاقي إلهم سكتنا
وبكانا وبكتنا ... واصبح ليينا سلوتنا
ونفتح تاني ميت دفتر وكراسه
وخت سريرنا كتر كبير في بلاصه
دامش قديم نقف له ليلاتي ف حراسه
ورب كرم جلي لقمه البتاو
وقشرا اليوسفى والترمس
بلقمه ناشفه بنغمس
ولسه يامه ف اللقان
خبيزك بالخميره بيان
ونسوان البلد واقفين

يسووا عيشنا بالمجان

وفوق الفرن بتسوى

دميسه جنبها بدجان

وفحل بصلينا متعافى

فى طين الارض انا حافى

وقلبى ف السما صافى

وڤكى زى اول جد بيزرع فينا حب وود

وينشأ لينا مليون سد

ما هو اصل كلامه جد ف جد

مفيش فيضان

ونبكى ليه مافيش احزان

حرمانا الارض من طميك

بنينا السد زى الجد يفكرنا بظلم زمان

وربع جنبه يفكرنا بهيت سجان

وقفل مصدى كان عندى

كأنه لومان

مش حد تانى

شعر / عادل محمد عامر

انت اللي ف القلب لوحدك
مش حد تانى
وكل عمري اليك انت
وشوقي وحناني
يعني مالكشي ف قلبي شريك
غيرك انت
يشغل بالي ويخبرني
ذيك انت
واللى انا عايزه يبقى حبيبي
..... قلبك انت
ليه تنساني وتقسى على
وتلوعنى وانت حبيبي ...!
رغم بعادك ... رغم عنادك ..
يا انت يا عمري ... لسه حبيبي
ويطول ليلي .. ويطول سهدي
ليه .. يا حبيبي ترضى عذابي

میں بد اوینی... من تعذیبی
غیرک انت وانت طیبی
فگرمہ... تقرّب منی
تدی وتاخذ حب جدید
خلی.. کلامنا.. تقوله قلوبنا
خلی باعمری الأید ف الأید
خلی عیونک ویا عینیہ
ونشوف بیہم یوم العید
قلبی امانہ جوہ ف قلبک
تاخذ.. منہ .. وبتدیله.....
حب کبیر..... مالہوش مواعید..
وانت الی ف القلب لوحدک
...مش حد... تااانی

ضمي يا قدس

شعر / نجات عبد القادر

ضمي كمان ضمي
الدم ده دمي
يا قدس يا صامده
ما تخمليش همي
مقدرش احارب انا
روحي بعيد مش هنا
بطلت اقول كام سنه
وخررك يا قدس
ساري شراعي انكسر
وغرقت وسط الموج
حاولت اطوف بالبصر
وامسك في اول فوج
وسقطت بين الالبسه
في سجن مالو خروج
وفي سقف سجنني بعيد
شعاع مخفي

قيد من حديد في ايديه
والجبين مكفي
وصرخت جايلك ياقدس
جايلك انا اوفي
دين من سنين في رقبتني
وايديه مش طايله
وابني اللي مات م اندفن
اشلاء وانا شايله
وطبعت قبله علي جنته
جنته بلا ملامح
وبذل قدمت شكري
لسفيه وكان سامع
ابكي وابني قطع
شايله علي كتفي
وناديت يامه الجهاد
قومي بقي خفي
دخل ما بينا شيطان
يدبح ويبشفي
العظم تحت الحديد
واللحم حيكفي
دجه لولادنا حلال

ويقدمه لنا
ناكل لحوم بعضنا
وسفيه بيفتينا
ثم الذبيح ملاليم
ماعدونا لقينا
متفرقين كلنا
بيننا زواج عرفي
ما هو ذا اللي عايزه العدو
ما هو قوته في ضعفي
مين قال عليه غلطان
مين مننا غضبان
مين اللي قال اليهود
اجساد بلا اذهان
احنا ساعدنا القروء
يتمشوا في البلدان
دبابه خاصه ملوكي
ماشيه بكل امان
وكأنه راكب سزوكي
ومأمم الاوطان

شئ مش سهل

شعر / مصطفى صوار

برواز علي الحيطه ببصلي
وكأني بيني وبينه تار
جرنال جنبي بيوزني
أبدأ معاه الحوار
مسلسل تلفزيوني قديم
نصه جد نصه هذار
براد شاي بيغلي
عاوزني اطفى النار
ونا سارح ومحتار
منين أبدأ قصيدتي
صحيت البنوته
بابا اسقيني
ساعتها حسيت
ان الليل عدي
فين المخده فين سريري
ياه دا شئ مش سهل
انك تكبت شئ جواك

ياہ دا شئ مش سہل
ان تعیش الکلمہ معاک
وانک تلقی البیت الضایع
وفیہا الکلمہ الیٰ بنہواک
دا شئ مش سہل
انک تمحیٰ بکلمہ جمیلہ
معانی الجہل
وانک تسہر ملیون لیلہ
علشان تکتب غنویہ جمیلہ
تدخل جویہ قلوب الناس
شئ مش سہل
انک تترك کلمہ میراث
بیہا خارب ظلم الناس
انک توهب نفسک قلمک
لجل الحق ما یوم ینداس
شئ مش سہل
انک تزرع شجرۃ حب
بکلمہ جمیلہ تکنون م القلب
تجعل کل العالم اهل
شئ مش سہل
شئ مش سہل

كلام ع القد

شعر / نصر الدين عبد المجيد

كلامي ياناس ع القد
من قلبي بقوله جد
من غير تعليم ومدارس
ولا جري وجذب وشد
وزمان كان جدي وجدك
ماشيين علي خط الجد
كانوا في الشده اسود
ولا مره غلبهم حد
وف كل العالم كانوا
واقفين للظالم ند
دلوقتي ما بينا وبينهم
في حياتنا مليون سد
وما فيش لسؤلنا اجابه
واتكسر فينا الرد
وما فيش حاجه بتشغلنا
واتهد ما بينا الود

فألواد والبنت نفكر
والتوهه تمللي تمد
واللي بنفوده يسيطر
دا ير علي طول بيهد
وأيدينا راكبها العصبي
مش قادره حتي تشد
وحلمنا ننام الليل
ند في في عز البرد
ونسينا جميع ازهارنا
حتي الياسمين والورد
والقرش بيملي كروش
وفلسنا برق ورعد
وياريت نفضل فاكرين
عمر واحمد مع سعد
عاشوا ف زمانهم قيمه
عزه وفخر ومجد
كانوا دائما صابرين
والنصر في ليلهم ورد
وياريت منهم تتعلم
اجيالنا تحب الجد

ابن الجنوب

شعر / محمد رجب رضوان

ابن الجنوب لبنان
رافع رايات النصر وبيعلن بيان
الحق عمره ف يوم ما ضاع
مدام وراة دائما مطالب
والانصياح ملهوش مكان
امسك سلاحك يا اخي وحارب
الموت جبان .. حارب بكل ايمان
واسجد في كل اذان
ريك هيفتح باب جناب رحمة
يااما راح تصبح شهيد
وتنول بشايرجنته
يااما راح ترفع .. رايات النصر
وف وسط الميدان
ابن الجنوب لبنان بيقول انا مسلم

ولا عمرى ها ستسلم
ولا عمرى راح اسلم
على كلب واطى جبان
ابن جنوب لبنان بيقول انا الصورة
وانا العنوان انا الانسان
خلينى دايما ف بالك
كلمه بقولها لك
الاجليز من مصر خرجوا برجاله القنال
بسلاح خفيف على قد حمل اليد
هتعدى الحال
بص بعيونك تشوف دور وحتلاقى العيال
هزة حصون الصهاينه
اما السلاح حتة حجر
بس الحجر هد الجبال
ربط جبال نفسك
واعلم بانك جيوش
وحدك هاتقدر تخوش كل الوشوش ا
للى نوت ع الانصياع صبحت رتوش
طلعت فشوش
ربط جبال نفسك واعلم بانك جيوش
وارجع ليوم امسك هتلاقى يومك بشوش

قول للوشوش اللي نوت ع الانصباع
ترجع عشان الوقت ضاع
ضاع فى ابتسامات النفاق
ف انقسامات الرخاء
ف اجتماعات البلاء
ارجوك تقول وتقول كمان
ابن الجنوب لبنان عدى وخذ تارة
وتار دم الشهيد
دفن العدو ف داره
لكنه مش ناسى القدس ف مداره
واليوم مع جاره ناوى على الجولان
ابن الجنوب لبنان

الست رباب

شعر / غريب موسى

الست رباب انا لى معاها عتاب
وعتابى يادوب
نظره شوق والهوى غلاب
اشوفها مخى يتبرجل
وعقلى يطير
ياخرايى قمر
ياخواتى لما يقف على الباب
شحات على بابها
واقف بقالى يومين على
العود الملفوف لف
والبسمه الى على الخدين
واه لما يطل عليّ
من نظرة واحده بدوخ
واطب واقع يا عينى
ويشيلونى اتنين
اصلى بادوب فى الجمال

والعشق يا بوى حراق
والبت حلوه قوى
سبحان الخلاق
طيرت برجين من عقلى
خلتنى ماشى اطوح
بدل ما اروح شيرا
لقيت نفسى فى بولاق

الف حصار

شعر / محمد البدرى

هد الهرم
وانقل القلعه اسرائيل
بيع السد العالى كمان
ماهو مبقاش له معنى النيل
لما تكون فى العيله كبيرها
وساعة الجد خاف من عيل
لما تريل علشان كرسى ولادولار
لما توافق انك تلبس ذى حمار
لماخس جوا هدومنا بالف حصار
لما تعالى اللى بيهتف لك وترقيه
والى يعارضك جبرى كلابك تنهش فيه
لما تحرم حتى الحلم يجيى لنا ف يوم
لما عيوننا خاف م النوم
لما الظالم على طول سالم
وباريت بيسيب المظلوم

لما بتبنى بنوك على شانك
والعسكري موجود لحراستك
تسمح لي اهمس لك ف ودانك
واكتب لك كلمه ف كراستك
انا معجب جدا بسياستك
يامهشكتنا..... ومبشكتنا
وما لوظنا..... ومئسكتنا
واحنا ورغم عددنا دا كله
انت لوحذك الى!!!!!!!!!!!!!!

اتعلمت

أغنية / جمال صابر بخيت

اتعلمت ما حدث قال لى
ان عيونك مش صادقين
ان الحب ده وحده فى قلبى
وانك كدبه وحلم حزين
اتعلمت خلاص من الدنيا
اتعلمت ومش ببلاش
ان فى قلبك فيه حاجه ثانيه
وان غرامك عمره ما عاش
كان فى كلامك شئ مدارى
بيزود من حيرتى ونارى
كنت بصاركك وانتى خبى
ولطفى انينك بنهارى
كنت بتبقى معايّ وجنبى
ومش عارف قلبك مع مين
اتعلمت ما حدث قالى
ان عيونك مش صادقين
اتعلمت

ساعة الغروب

أغنية / محمود السمان

ساعة الغروب
تايه انا بين الدروب
والسكه واخداني
وياخوفي من الغروب
في سكه الاحباب غريب
من غير امل من غير حبيب
ولحدأ متي
في العذاب امشي وادوب
ساعة الغروب
الليل طويل
وطريق طويل ما لوش حدود
وجرح قلبي
ما لوش دوا وما لوش حسود
ولحدامتى يا زمان

حقاسى من غدر الزمان
دلونى فين بر الامان يا زمانى جود
ساعه الغروب
صبرت صبرما صبره ايوب
لما كان بيقاسى من جرحه
وصا برع الهوان
كان لاقى ناعسه بتواسيه
وانا قلبى مين يعطف عليه
ويرجع الفجر اللى فيه الفى الحنان
ساعه غروب

بلاش توصف ملامحك

شعر / أم هاشم مهران

بلاش حبيبى توصف ملامحك
شوقك وشوقى هيضمو بعض
صحيح حبيبى سمعت صوتك
وكل ساعه بندوب فى بعض
لما هاشوفك هاجرى عليك
هاعرف ملامحك لو بين الوف
هنحس بعض
صحيح حبيبى سمعت صوتك
ولقانا عيشته ساعه ما شوفتك
كات مره واحدة ومن ساعتها
وكل ساعه بندوب فى بعض
بلاش حبيبى توصف ملامحك
شوقك وشوقى هيضمو بعض
حسيت هيام من الكلام

وصف لي صورتك
وبقيت انا في حزن قلبك
على مره شوقك ومن ساعتها
وكل ساعه بندوب في بعض
بلاش حبيبي توصف ملامحك
شوقك وشوقي هيضمو بعض

قبل ما اشوفك

شعر / أم هاشم مهران

قبل ما اشوفك كنت فى حاله
كنت بحس ان انا جواله
كنت بشوف اشواق خايلنى
تاخذ فكرى وتبعد عنى
بعد ما شوفتك بقيت محتاجه
محتاجه لقلبك يلمسنى
محتاجه لحسك يحرسنى
محتاجه لعينيك تروينى
محتاجه لشوقك يداوينى
من اول يوم شوفت عنيه
وانا عيني لعينيك مشتاقه
مشتاق لعينيك ابوه ليلاى
بلاش تداريهم وحياتى
بتدارى فى ايه شوق لياليه
هتلاقى هواك دايب فيه
من اول يوم شفت عينيه

وانا عيني لعنيك مشتاقه
كنت تملئ اشتاق للحب
لجل الحب في يوم ما يحبني
واما عشقت لفتني بطب
حتى النوم مشتاق لعيوني
قولي بحبك انا محتاجه
اصل انا ليه في قلبك حاجه
حاجه بدور كنت عليها
لما سهرت افكر فيها
كنت بدور بين الناس
على قلب ويكون حساس
احساس بملا الكون دا بحاله
اشبع منه وادى الناس
من اول يوم شفت عينيه
وانا عيني لعنيك مشتاق

مطلوب اتنين شهود

زجل / احمد هبوله

مطلوب اتنين شهود
خلفوا يمين الله
لا عمرى عرفت الحب
ولا عمرى جريت وراه
هو اللى بنظره رمانى
وعدا من قدامى
لقانى ندهت له بلسانى
انا قلت له لابد تانى تعود
رد علي وقال لى
مطلوب اتنين شهود
ان قلت الحب قدر
يقولولى عليه مكتوب
انا زيكم بشر

من حقى احب وادوب
انا راضى بالقدر
انا مؤمن بالمكتوب
كل اللى احبه يقوللى
مطلوب اتنين شهود
مطلوب اتنين شهود
وجانى القدر وحقق المكتوب
ووعدنى بالسفر وانا وياه بدوب
قاللى منتاش عارفنى
انا فى القلوب موجود
يا هنا ه وسعده اللى
بسكن قلبه ويسهر اليالى
يفكر فى المكتوب
وخذنى معاه وقال لى
مطلوب اتنين شهود

مصر بلدنا

زجل / احمد هبولة

مصر بلدنا مدينه وريف
شمس وهوا وجو لطيف
ياسالام عليكى فى اكرام الضيوف
انتى بغنى عن التعريف
فى حضن المدينه وفى
حضن الريف النيل يجرى
شمال ويمين شهد وكرر
يشرب منه اى عليل
يطيب ويشفى
والفضل فى النهايه لمن
الفضل لرب العالمين
فى احضانك يا مصر الاهرام
دليل الحضاره والازدهار
اللى بيحى يزورك مره
خلف انه ماشاف ولا زار
خلف بيكى ليل ونهار

ويحكي عنك في كل مكان
ويرجع ليكي عاشق ولهان
في حضن شمسك ياخذ حمام
ع الرمل الاصفر ساعات بينام
يركب جمل يركب حصان
وفي النهايه الفضل لمن
احبابك والله يا مصر كتار
ودمياً بيكي على اتصال
شمسك وهو اكي دوا القلوب
الكل في حبك دايماً مجزوب
مهما كتبوا عنك دواوين
ومهما رسموا الرسامين لا يمكن
ابداً مستحيل الكل عاجز
عن التعبير انتى اكبر من ده
بكتيرو الفضل يرجع كله
لمن وفي النهايه لرب العالمين

الوعد الوافى

شعر / محمد المسافر

يا حزب الله
يا نصر الله
حما سنا حماسك
شد الهمم
معاك ايادينا
على اعادينا
برة وجوة
يا حزب الله
يا نصر الله
ارمى وسمى
باسم الدم الغالى
وريدنا بارودك
وحدودك
هى حدودنا
يا صهيونيه
ما تتغروش

ماهينفعكوش
ولا ۱۰۰ بوش
ولا سى قرقوش
اللى فارشها نعوش نعوش
وفارد وشه عليها
سكوت وموت
ومصهين
ومبين انه حكيم العصر
يا حكيم الغير ۱۱۱
الحرب د مار ...ود ور دوار
مهمازاد جيروت الطاغى
مهمازاد جيروت الطاغى
والغدار حتما له النار
ما جوزلوش الرحمه ولا الاعذار
ما هويا ما غمى عينه وودانه
على صفا فير الانذار
يا حزب الله يا نصر الله
النصر اهو حان
بادان لبنانى وفجر ايرانى
ادان لا ييشجب ولا يستنكر
سيرته بترعد

صوته يدمر آل صهيون
ويدمر اعوانه الخائنين
أضله أذان قايم بكرامه
ماهوش مذلول أبدا بمعونه
ولا عندوش حكام بايعين
ولا شعب يبصم بالعشرة
عشره عمر ف حب امين
سحقا لعروش الخائنين
سحقا لجيوش العربان
يا لبنان يا فلسطين
النصر اهو جاى
وضيه واصل من حطين
يا نصر الله يا حارب الله
وعدك وافى
بيكرر وعد صلاح الدين .

نزيف مع سبق الإصرار

شعر / محمد المسافر

وبالاشواق
عديت لك بلاد وبلاد
وودادى
اقرب خطاويننا
اوصل اغانينا
وتكمل امانينا
عديت لك بقلب جريح
مسكون تباريح
والروح قصداكى سكن وطن
وانتى الكتاب
وفيكى السر مكنون
وبيكى هاكون.. وتكونى
عديت اوصيكى
اوعى الحب جواكى يهون
وتكونى سراب فى الكون
عديت لك

وجوايا الامل بيرفرف
لقيتك قلب بالهوان مسكون
وبسكين قطعتي الحنين
بينك وبيني
نزيفك فيه بالمني
وأنيك نوح مدويني
عشانك فتحت الباب
للشك والخوف
لازم تتوهى وسط الريح
وهاعيش انا بقلب جريح
لكن على الفرع بيدور

سطور

أمنية رمضان

حبيبي بسطرنى
بين خيوط الليل الراحل
يرسمنى
أبيات شعر ههحيه
قال اننى اكذوبه حب منسيه
ما بين غصون الفجر
اسطير العشق مرويہ
مازلت اقول لأشواقى
سوف يدوبنى
اجبنى
يا لهيب الصمت اجبنى
يا ذوبان الكتل الثلجيه
انالست قديسه
ولا بركاناً جارح
انالست ليلى ولا عبلة
لاكنى عذراء

أحرفك الشعرية
يشهدك تلامس أصابعنا
وحراره حب ناريه
جمدني حبك سيدي
جعلني نرجسيه
أعلنت الصمت عليك
أعلنت عليّ الحريه
فرهان كنت بافكارى
مرآة الضوء
أنا ظل للذكرى
يحتمل الشوق
أذكرني بدفاتر احلامك
ف أنالك لست الأ
أبيات شعريه

إليك سيدي

رياح حسن محمود

إليك سيدي
لقد أسلمت قلبي وقالبي
إليك سيدي
جعلت من هذه الأيام
أبراج عشق وحماس
لرسائل حب وهيام
أنا ما باستطاعتي
الأطاعتك
أنا ما بنفسي لأراحتك
أنا لست جاريه
ألا بمعبدك
أنا لست خادمه
ألا بمقعدك
إليك إليك سيدي
أخبرني في صدرك
وداريني

اخبئنى عن كل ما هو
رائىنى
أبتنى فى قلبك
فهو يحمينى
ارتشف عطرك
فهو يداوينى
اليك اليك سيدى
اغمض حبيبى عينيك
وسأبقى حارساً لقلبك
كلماتى ليست من فمى
بل من جبينى
أحكى لك من القصص
بصوت أنينى
أترقص لك بصوتى
ليرضى فيك حنينى
فها انا اليك سيدى

فبين الأمة

شعر / محمد الصغير مبارك

فبين الأمة العربية
فبين الإسلام
انتو فبين يا عرب
ع اللي بيحصل م الجرب
والاحتلال فى أرضنا
والدم فى فلسطين سيول
كل يوم
الموت يفوت بين البيوت
واحننا عليه متفرجين
وبين العراق وبين لبنان
دخان طالع ونار فايدة
مافيش فايدة
على مجلس امن ولا قرارات
غارات دايره وكفر شنيع
وضاع الحق من ايدنا
ليلاى الجهل يشويننا

شيوخ وشباب نسا وأطفال

حرام يا أمه دي الغمة

حرام يا أمه فرقتنا

حرام والله

ولاد صهيون يسوقونا

ياريت نرجع

نرد الهيبة للأوطان

وناخذ التار

لا دى أرضه ولا ماله

ولا حقه يكون بينا

دا غراب غريب سلامه لهيب

ولو طلقه فى أرضه تصيب

تقوم الدنيا شرق وغرب

وطول ما حنا كده ساكتين

هنشبع ضرب

يهودى جبان

وذكره المولى فى القرآن

فوقو يا عرب فوقو

وهبى يا أمة الإسلام

وهاتى النصر

الفهرس

الرائد حلماء يتحقق / ٥	كلام ع الغد / ٤٧
ميلاد الراء / ٧	أبن الجنوب / ٤٩
ليه ما بنحلمش / ٩	الست رباب / ٥٢
أهداء / د العدوي / ١١	ألف حصار / ٥٤
إهداء / محمد العسيري / ١٢	اتعلمت / ٥٦
بياع الحنه / ١٣	ساعة الغروب / ٥٧
كان نفسى / ١٥	بلاش توصف ملامحك / ٥٩
التغلب فات / ١٧	قبل ما أشوفك / ٦١
مافيش فصال / ١٩	مطلوب اثنين شهود / ٦٣
ألا برجوعك / ٢٢	مصر بلدنا / ٦٥
على شط قنالك / ٢٤	الوعد الوافى / ٦٧
شوفو الهلال / ٢٦	نزيف مع سبق الإصرار / ٧٠
موال / عبد الله الهادي / ٢٨	سطور / ٧٢
بلاش م السفر / ٣١	إليك سيدي / ٧٤
الغرق دم الغلابه / ٣٣	فين الأمه / ٧٦
ورجتي تاني / ٣٦	
مش حد تاني / ٤٠	
ضمني يا قدس / ٤٢	
شير مش سهل / ٤٥	

دار الإسلام للطباعة والنشر

٠١٢٢٦١٤٣٦٣-٠٥٠/٢٢٦٦٢٢٠

رقم الإيداع بدار الكتب

٢٠٠٦/١٩٣٦٣

ترقيم دولي I.S.B.N

977-374-225-3